



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 06-11-1563-10/20
Sarajevo, 28.09.2020. godine

Na osnovu člana 70. st. (1), (3) i (6) Zakona o javnim nabavkama ("Službeni glasnik Bosne i Hercegovine", broj 39/14), člana 8. stav (2) tačka d) Pravilnika o uspostavljanju i radu komisije za nabavke ("Službeni glasnik Bosne i Hercegovine", broj 103/14) na Preporuku Komisije za nabavku, broj: 06-11-1563-8/20 od 25.09.2020. godine, u postupku javne nabavke roba: "Pjena za gašenje plamena", direktor Kantonalne uprave civilne zaštite Kantona Sarajevo, *d o n o s i*

ODLUKU
O IZBORU NAJPOVOLJNIJEG PONUĐAČA

Član 1.

Prihvata se Preporuka Komisija za nabavku, broj: 06-11-1563-7/20 od 25.09.2020. godine i Ugovor o nabavci roba: "Pjena za gašenje plamena", dodjeljuje se izabranom ponuđaču, Pastor M d.o.o., ul. Put Aluminijski bb, 88000 Mostar, prema ponudi broj: 119/20 dostavljenoj dana 14.09.2020. godine za ponuđenu cijenu nakon provedenog postupka e - aukcije u iznosu od 9.661,00 KM (slovima: devethiljadašeststotinašezdesetjedna KM) bez PDV-a, kao najpovoljnijem ponuđaču.

Član 2.

Izabrani ponuđač je dužan dostaviti original ili ovjerenu kopiju dokumenta iz člana 45. stav (1) tačka a) do d) Zakona o javnim nabavkama u roku od 5 (slovima: pet) dana, računajući od dana kada je obaviješten o izboru najpovoljnije ponude, ukoliko isti nisu dostavljeni uz ponudu.

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 10 (slovima: deset) dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objavit će se na internet stranici Kantonalne uprave civilne zaštite Kantona Sarajevo (www.kucz.ks.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.



Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

Član 6.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke roba: "Pjena za gašenje plamena" pokrenut je Odlukom o pokretanju postupka javne nabavke broj: 06-11-1563/20 od 14.08.2020. godine.

Postupak javne nabavke roba: "Pjena za gašenje plamena" je sproveden putem Konkurentskog zahtjeva za dostavu ponuda, postavljanjem TD na Portal javnih nabavki i provođenjem e-aukcije.

Procijenjena vrijednost javne nabavke (bez uključenog PDV-a) je do 20.000,00 KM. Obavještenje o nabavci je objavljeno na Portalu javnih nabavki broj:282-7-1-55-3-27/20, dana 17.08.2020. godine.

Komisija za nabavku, imenovana je Odlukom broj: 06-11-1563-1/20 od 17.08.2020. godine.

Komisija za javnu nabavku dostavila je Direktorcu Zapisnik o pregledu i ocjeni ponuda broj: 06-11-1563-7/20 od 25.09.2020. godine, Preporuku o izboru najpovoljnijeg ponuđača broj: 06-11-1563-8/20 od 25.09.2020. godine i Izvještaj o radu broj: 06-11-1563-9/20 od 25.09.2020. godine, u postupku javne nabavke roba: "Pjena za gašenje plamena", a prema specifikaciji iz TD.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku zaprimljeno 6 (šest) ponuda,
- da je blagovremeno primljeno 6 (šest) ponuda,
- da nije bilo neblagovremeno primljenih ponuda,
- da ponude ponuđača: Vatro – Promet d.o.o. Banja Luka, Vatrosistemi d.o.o. Sarajevo i Migros d.o.o. Sarajevo nisu kvalifikovane i prihvatljive u pogledu traženih dokaza propisanih tenderskom dokumentacijom i izmjenama/dopunama tenderske dokumentacije od 19.08.2020 i 01.09.2020. godine,
- da su ponude ponuđača: Financ d.o.o. Mostar, Pastor M d.o.o. Mostar i Fire Trade d.o.o. Srebrenik, kvalifikovane i prihvatljive, da su dostavljeni svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.



Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, tenderskom dokumentacijom, izmjenama/dopunama tenderske dokumentacije i provedenom e-aukcijom.

Uvidom u priloženu dokumentaciju, nesporno je da je izabrani ponuđač najbolje ocijenjen jer je njegova ponuda u ukupnom iznosu od 9.661,00 KM (slovima: devethiljadašeststotinašezdesetjedna KM) bez PDV-a, a nakon provedene e-aukcije prema kriteriju za izbor (najniža cijena) rangirana na prvom mjestu i ispunjava sve uslove zadane u tenderskoj dokumentaciji.

Iz navedenih razloga, primjenom člana 89., člana 64. stav 1. tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektoru za ekonomske poslove KUCZ KS
- Ministarstvo finansija Kantona Sarajevo
- a/a



Handwritten text, possibly a signature or initials, in blue ink.

Handwritten text, possibly a date or page number, in blue ink.